

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি (শোক বার্তা)

জাতীয় অধ্যাপক মুস্তাফা নূর-উল-ইসলামের মৃত্যুতে জাবি উপাচার্যের শোক

জাহাঙ্গীরনগর বিশ্ববিদ্যালয়, ১০ মে ২০১৮।

জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম জাতীয় অধ্যাপক মুস্তাফা নূর-উল-ইসলামের মৃত্যুতে গভীর শোক প্রকাশ করেছেন। এক শোকবার্তায় উপাচার্য বলেন, ভাষা সংগ্রামী একুশে পদকপ্রাপ্ত অধ্যাপক মুস্তাফা নূর-উল-ইসলামের মৃত্যু সংবাদ শুনে আমি মর্মান্বিত। তাঁর মৃত্যুতে জাতি একজন জ্ঞানী ও বহুমাত্রিক গুণের অধিকারী ব্যক্তিকে হারালো। এই ক্ষতি পূরণ হবার নয়। শিক্ষক, গবেষক, সাহিত্যিক এবং লেখক হিসেবে তাঁর অবদান জাতি কখনোই ভুলবে না। বাঙলা সাহিত্য তাঁর মাধ্যমে সমৃদ্ধ হয়েছে। ভাষা আন্দোলন, স্বাধিকার আন্দোলন, মহান মুক্তিযুদ্ধে তিনি যে অবদান রেখেছেন, জাতি তা চিরকাল স্মরণ করবে।

উপাচার্য অধ্যাপক মুস্তাফা নূর-উল-ইসলামের আত্মার শান্তি কামনা করেন এবং তাঁর পরিবারের সদস্যদের প্রতি গভীর সমবেদনা জ্ঞাপন করেন।

উল্লেখ্য, অধ্যাপক মুস্তাফা নূর-উল-ইসলাম জাহাঙ্গীরনগর বিশ্ববিদ্যালয়ের বাংলা বিভাগের শিক্ষক ছিলেন। তিনি ১৯৭২ সালের ২৩ ফেব্রুয়ারি রিডার হিসেবে যোগ দেন। ১৯৭২ সালের ৮ জুলাই সহযোগী অধ্যাপক এবং ১৯৭৩ সালের ৩০ নভেম্বর অধ্যাপক পদে পদোন্নতি লাভ করেন। তিনি ১৯৮৭ সালের ১ জুলাই বিশ্ববিদ্যালয়ের চাকরি থেকে অবসর গ্রহণ করেন।

নামাজে জানাযা

অধ্যাপক মুস্তাফা নূর-উল-ইসলামের মরদেহ আগামীকাল শুক্রবার এগারোটা থেকে দুপুর সাড়ে বারোটা পর্যন্ত ঢাকা কেন্দ্রীয় শহীদ মিনারে সকলের শ্রদ্ধাঞ্জলি নিবেদনের জন্য রাখা হবে। বাদ জুমা ঢাকা বিশ্ববিদ্যালয়ের কেন্দ্রীয় মসজিদে নামাজে জানাযা এবং বাদ আছর জাহাঙ্গীরনগর বিশ্ববিদ্যালয়ের উপাচার্য বাসবভন সংলগ্ন খেলার মাঠে নামাজে জানাযা অনুষ্ঠিত হবে।

পরিচালক

জনসংযোগ অফিস